



SR KANDIDATE  
SR KANDIDATE  
SR KANDIDATE  
SR KANDIDATE  
SR KANDIDATE

# Portefeuljekeuses lei tot polemie

## Beplande vs mark- ekonomie

Deur JONEL VAN HEERDEN

Die MOSIE waarin SR-kandidate verplig sou word om die portefeuljes waarvoor hulle staan in prioriteit aan te dui, is Dinsdagaand deur die SR afgekeur. Dit volg nadat kandidate al Dinsdagmiddag gevra was om drie keuses op hulle aansoekvorms te toon. Hierdie portefeuljekeuses is aan Die Matie verskaf om in die SR-uitgawe te publiseer.

DEUR EUGENE KRUGER en WILLEM KEMPEN

Die kandidate sou ook, volgens die mosie, toegelaat word om amppe van hul voorsteller te bekondante, aan te dui. Volgens die SR-voorsitter, Mnr Du Toit, het die SR op 'n algemene vergadering besluit om die mosie te aanvaar, maar volgens twee ander lede van die SR, André Gaum en Corrie Avenant, was dit nie die geval.

Aangesien die mosie 'n verandering in die reëls van die grondwet sou beteken, moet dit 'n driekwart meerderheid afgekeur word. Vier lede van die SR, nl. Corrie Avenant, Mnr de la Bat, Francois Dercken en André Gaum het die mosie teengestaan.

Mnr Gaum het aan Die Matie gesê hy het beswaar teen die mosie want dit sal sekere kandidate onregverdelik bo ander voordeel.

Volgens hom kan daar verandering onder die studente ontstaan as daar meer as een kandidaat vir 'n portefeulje is. Sommige studente kan onmoontlik dink daar kan dan vir een van die kandidate gekies word.

Mnr Gaum het ook gesê die mosie dat die amp en relevansie van die kandidate se voorstelle onbegrypbaar genoem mag word, tot onregverdig bevordering kan

lei. As 'n huidige SR-lid, van 'n spesifieke portefeulje, iemand vir daardie portefeulje sou voorstel, kan dit daardie persoon ook moontlik onregverdiglik bevoordeel.

Mnr. Du Toit het gesê daar is op die vorige SR-vergadering aan al die SR-lede 'n uitnodiging gerig waarin hulle met hom kon kom praat as hulle 'n probleem met die mosie gehad het. Mnr Du Toit het gesê nie een van die SR-lede het met hom kam praat nie.

Volgens die SR-sekretaris, mnr Corrie Avenant, was daar nooit voor die SR-vergadering eenstemmigheid oor die mosie nie. Hy het verder daarop gewys dat Die Matie nie kan verskyn met die inligting wat verskaf is deur die SR nie, omdat dit heeltemal teenstrydig sal wees met die SR se grondwet.

Mnr Avenant het ook van sy mede SR-lede beskuldig dat hulle die hele aangeleentheid gebruik het om die verandering aan die reëls van die grondwet op 'n kortpad manier deur te voer.

Met die ter perse gaan van die voorblad van Die Matie was daar nog geen duidelikheid of die inligting wat in Die Matie vervat is wel op kampus mag verskyn nie. Die geregtelike kwessies wat die verkiesing se geldigheid, al dan nie, kan bepaal moet eers opgelos word, voordat die publikasie in enige vorm 'n sekerheid is.



Intersity: die dag waarop die Matiespan hul Streeptril teenstanders met 34-6 verneder het. En natuurlik was almal in 'n besonder goeie gees.

Op die hoofpawiljoen, onder begeleiding van 'n entoesiastiese 'band' en dirigente, het die geraas oor die veld gedreun. Na verlede jaar se skoknederlaag het die Maties se briljante vertoning natuurlik vir almal genoeg rede gegee om te skreeu.

Maties het hul ook vanjaar besonder goed gedra, en Intersity '91 was dus 'n groetse oorwinning vir enige Stellenbosse student.

Foto: PIETER MALAN

## Die Matie

### Die Matie en portefeuljes

ONS weet nog nie in watter vorm, indien ooit, julle ons verkiesingsuitgawe gaan lees nie. Deur onderdrag voort te gaan met die publikasie van die kandidate se portefeuljekeuses, voordat die mosie by die SR-vergadering afgestem is, sal dit beteken die inligting in Die Matie meer kan wees as die minimum wat van kandidate vereis word.

ONS is self nog nie seker oor die toekoms van hierdie uitgawe nie, maar wil graag dit duidelik aan ons lesers maak dat Die Matie van ons kant af ons bes probeer het om 'n korrekte en volledige uitgawe te publiseer. Tegnieiese probleme het veroorsaak dat dit onmoontlik was om die informasie betyds te verander.

Weereens is ons in die middel van 'n polemie, maar ons het die reg om ons hande in onskul te was as daar probleme ontstaan.

## Inkomtye word nou monster

Deur GISELA MARX

NUSAS-BSOS het 'n nuwe veldtog teen vroue-inkomtye geïnisieer. "Inkomtyd is my besluit" word as 'n beginpunt teen geïnstitusionaliseerde seksisme op Stellenbosch gebruik, het 'n Nusas-lid, mnr Arnold van Rooy, gesê.

Nusas-Bsos hoop om binnekort 'n monstervergadering oor hierdie kwessie op kampus te hou.

Nusas-Bsos beskou die inkomtye wat vroue verplig om sekere tye in die koshuis te wees, 'n voorbeeld van seksisme deur die universiteitsowerhede is.

Die inkomtye vir vroue is deur administrasie op 00:30 ge-

durende die week en 02:00 oornaweke vasgestel. Manskoshuise het geen inkomtye nie.

Volgens die administrasie van die universiteit is die hoofrede van inkomtye by vrouekoshuise nog altyd gewees om die vroue se veiligheid te verseker.

Die veldtog het begin deur vir twee dae lank handtekeninge in die loopgang van die Neelsie te versamel. Verskeie pamflette is ook uitgedeel waarin geëis word dat administrasie die volwassenheid en selfstandigheid van vroue se gelyke en regverdige plek in die samelewing bepleit.

Volgens 'n Nusas-lid, Ronel Terblanche, is 950 handtekeninge ingesamel, terwyl daar

nog vorms uitstaande is.

"Ons samel nie meer handtekeninge in nie, omdat ons reeds die hoeveelheid, naamlik 500, wat die vereiste vir die hou van 'n monstervergadering is, ingesamel het. Ons beskou die saak as 'n politieke kwessie."

In 'n pamflet wat op die kampus versprei is, word daarop gewys dat Goldfields nie inkomtye vir die vroue het nie.

"Is swart studente moreel beter opgevoed en gedissiplineer, of het hulle nie beskerming nodig nie?", lui die pamflet.

Volgens me Terblanche word 'n monstervergadering vir Donderdag 22 Augustus om 20h00 in die Sanlamsaal beplan waartydens daar vir die mosie gestem sal word.



NOMINASIES

# SR-kandidate:



## ALISON ENID APRIL

Portefeulje-keuses: 1. Kultuur, 2. Uskor

Kursus: BA Musiek III  
Voorsteller: Marliza Viljoen (SR-ondervoorsitter)

Sekondante: Suné Brugman (SR-lid: Kultuur en Media), Francois Dercksen, Pieter Crawford, Frans van Wyk, Carin Barnard

Ondervindingslys:  
1988: Hoofmeisie: St Cyprian Hoër Meisieskool, Ererol: St Cyprian Hoër Meisieskool, WP: Sagtebal

1989: Eerstejaarsverteenwoordiger: Goldfields-koshuis, Musicultus: komiteelid, Libertaskoor

1990: SR Kultuurkomitee: sekretaresse, Sangfeeskomitee: ondervoorsitter, Musicultus: ondervoorsitter, Libertaskoor  
1991: SR kultuurkomitee, Spogkomitee, Sangfeeskomitee: ondervoorsitter, US-koor

Beleidsverklaring:  
Die SR moet bestaan uit bekwame, verantwoordelike studente wat doeltreffend sal funksioneer en wat altyd die studentenuie se belange eerste sal stel.

Ek is van mening dat die SR op grond van meriete gekies moet word. Dit sal verseker dat die leiers bevoeg is om studente belange ten beste te dien. Indien ek verkies word, sou ek graag die kultuur- of Uskor portefeuljes wou behartig.

Ek glo dat ek oor genoeg ondervinding en vaardigheid beskik om 'n suksesvolle en sinvolle bydrae tot die SR en studentenuie te maak.

Daar bestaan 'n rykdom van meningsverskille op kampus en ek glo dat ek oor die vermoë beskik om die verskillende kwessies met integriteit, takt en sensitiwiteit te benader en sodoende 'n kultuur van dialoog te bevorder.

Ek is beried om jou, as Matie, tot die beste van my vermoë te dien en my te beywer om 'n positiewe beeld van die Universiteit uit te dra.

## CARIN-GRETNA BARNARD

Portefeulje-keuses: 1. Sport en Intervarsity, 2. Leierskapsontwikkeling

Kursus: LLB 1  
Voorsteller: Marliza Viljoen (SR-ondervoorsitter)

Sekondante: Henk du Toit (SR-voorsitter), Francois Dercksen (SR-lid), Piet Nieman (Prim: Dagbreek), Henriëtte Looek (Prim: Heemstede), Johan van der Merwe (KJA-voorsitter)

Ondervindingslys:  
1987: Hoër Meisieskool Oranje: Hoofmeisie, Dux-leerling, Sport-erekleure, Junior stads-

raad Bloemfontein, Provinsiale kleure in hokkie  
1988: Eerstejaar in Erica, BA (regte) I, Hokkie: US III, WP O/21;

1989: BA (regte) II, Hokkie: Maties I, WP O/21 B, US sport-erekleure, Lid van Musicultus  
1990: Behaal BA-graad, HK: Sport (Erica), Hokkie: US Vics, Lid van Musicultus

1991: SR-lid: Vrouekoshuise, Ondervoorsitter van primkomitee, Prim: Erica, US afgevaardigde na SSD kongres, Bestuurslid van Jeugkrag SA, Hokkie US Vics

Beleidsverklaring:  
As Matie is dit vir my belangrik dat Stellenbosch dié tuiste bly waar elke student homself/haarself ten volle kan uitleef. Stellenbosch het nog altyd 'n toonaangewende rol in SA gespeel en 'n wye spektrum menings geakkomodeer.



'n SR-lid moet meer as net die vanselfsprekende doen. Met inisiatief en volgehoue ywer moet daar na vernuwing en verbetering gestrewe word. Met die ondervinding wat ek hierdie jaar as prim van my koshuis, as SR-lid en op die sportveld opgedoen het, glo ek dat indien ek tot die SR verkies word, ek my portefeulje met die nodige integriteit en doeltreffendheid sal bestuur.

Dit is ons, as Maties, wat Stellenbosch groot maak en ek is trots om deel te wees van hierdie universiteit. Ek streef daarna om my geloof ten volle uit te leef in alles wat ek doen en om elke taak, in die Matietradisie, tot die beste van my vermoë deur te voer.



## NÁTHEA BEUKES

Portefeulje-keuse: 1. Leierskapsontwikkeling, 2. Spog  
Kursus: B Comm (Wisk.) II  
Voorsteller: FJ Dercksen (SR-lid: Spog)

Sekondante: Ritz de la Bat (Voorsitter: Primkomitee), Retseh Frielingsdorf (Prim: Neme-

sia), Piet Nieman (Prim: Dagbreek), Daneel van der Walt, Elsje Johnson (SR-lid: Sport en Intervarsity).

Ondervindingslys:  
1989: Onderhoofmeisie: Hoërskool Zwartkop, Vervoerdburg, Presidentsverkenner: Vooertrekkers, Dux-leerling: Ses onderskeidings, Uitruielstudent na Duitsland (SADK), Kulturele erekleure vir deelname aan tooneelopvoerings; redenaarskompetisies, Goue en silwer sertifikate vir Verwoerdburgse kunstwedstryde, Akademiese en Leierskapserekleure.

1990: Eerstejaar in Huis Nemesia, Old Mutual-beurshouer vir B Comm (Wisk)-aktuariële wetenskap, Lid van Jeugkrag: US, Lid van PSA: US, NP-studentetak: koshuisverteenwoordiger, Me Handel: 1990/1991, Slaag B Comm (Wisk.) I cum laude

1991: SR-subkomiteelid: Leierskapsontwikkeling, SR-subkomiteelid: Spog, Twee vrystellings vir aktuariële vakke by die aktuariële instituut in Londen: Engeland, Lid van Omass (Aktuariële studentevereniging van Suid-Afrika).

Beleidsverklaring:  
Waarom kan ons in 'n nuwe Suid-Afrika nie ook praat van 'n nuwe studenteraad nie? Die antagonisme van die verlede jeens SR kan deur sodanige SR uitgewis word.

Ek beoog nie om die res van die kampus uit te sluit nie, maar om elke koshuisganger in 'n groter mate in te sluit by die besluitneming en werking van sy/haar studenteraad. As gevolg van 'n stelsel van verteenwoordiging vind die gewone koshuisganger se standpunt baie selde inslag by die SR. Dit moet verander. Ek sou graag wou sien dat:

■ Elke koshuisganger insig het in die gebruik van sy/haar R5000 per jaar aan koshuisgelde.

■ Groter vryheid en verantwoordelikheid aan damestudente in gegee moet word; maar terselfdertyd groter sekuriteit.

■ Beter en moderne geriewe in die koshuise geskep moet word, bv beter wasgeriewe, telefone, fotokopiëermasjiene, ens; sodat die US se koshuise kan vergelyk met dié elders in Suid-Afrika

■ Beter spyskaarte en standarde vir voedsel-voorbereiding daargestel moet word.

Ek wil my portefeulje as medestudent hanteer en nie as buitestaander en dirigent nie. Elke student en/of koshuisganger moet weet wat die SR vir hom gaan aanbied in sy ampstermyn.

Ek stel myself beskikbaar vir die SR, omdat ek as medestudent vertrou in myself het om die verantwoordelikhede aan my opgedra deur te voer. Deur die genade van die Here Jesus sal ek poog om Stellenbosch se naam, tradisie en potensiaal uit te bou.

## GREGORY BOTHA

Portefeulje-keuses: 1. Spog 2. Studentebelange en leierskapsontwikkeling

Kursus: Hons BA (Kliniese sielkunde)

Voorsteller: Henk du Toit (SR-voorsitter)


Sekondante: Elsje Johnson (SR-sport), André van der Spuy (Prim: Eendrag), Francois Groepe (Prim: Goldfields), Rudolf Mastenbroek (oud Nusas-

voorsitter), Johan van der Merwe (Kontakkomitee-lid, voorsitter KJA)

Ondervindingslys:  
1986/87: Voorsitter van Natuurlewevereniging, Ontvang leierskapsprofiteë, Ontvang Natuurleweklub-leierskapsprofiteë, Suid-Kaap skaakkampioen

1988: Lid van Bsos

1989: SR-subkomitee vir Studentebelange, SR-subkomitee vir Akademiese belange, Bsos-sekretaris



1990: Geografiese Vereniging: bestuur, Klasverteenwoordiger, Bsos: sekretaris, Satisco: voorsitter, Satisco: streeksverteenwoordiger

1991: Voorsitter van Satisco, HK: Goldfields, Streeksbestuur Satisco, Bsos: sekretaris, SR-komitee vir ondersoek na gemeenskapsbetrokkenheid

Beleidsverklaring:  
Die rol van die SR is natuurlik om alle studente, hetsy taal-, godsdiens- of politieke voorkeure, te dien.

In die vervulling van bogenoemde breë riglyne glo ek dat ek, uit die aard van my unieke ervaringe, 'n wesenlike bydrae daartoe kan maak. Daarom stel ek my beskikbaar tot die portefeuljes Spog, Studentebelange en leierskapsontwikkeling. Dit is belangrik dat Stellenbosch met sy kultuur van debat behoue moet bly. Met behulp van Spog kan 'n platform geskep word om hierdie doel te dien.

Indien ek verkies sou word tot die SR, stel ek dit my ten doel om alle studente se behoeftes en belange eerste stel.



## HENDRIK LAMBERT BOTHA

Portefeulje-keuses: 1. Uskor, 2. Verenigings

Kursus: LLB II

Voorsteller: Daneel van der Walt (SR-lid)

Sekondante: B. de Jager (onderprim: ATB), Ilse Hanekom (Prim: Nerina), André van der Spuy (Prim: Eendrag), Ritz de la Bat (SR-lid, voorsitter: prim-

komitee), C. de W. Snyman (GUDSS: voorsitter 1992)

Ondervindingslys:

1987: Onderhoofseun: Hoërskool Jan van Riebeeck

1989: Voorsitter: Kampusaks Tweedejaarskarnavalkomitee

lid: Eendrag

1990 Dagbestuur: KJA

1991 HK-lid: Eendrag

Beleidsverklaring:

Vir my is dit belangrik dat mens integriteit moet behou wat jy doen, selfs al sien mand wat jy doen nie. Om hierdie rede glo ek moet ek met mede-studente én met myself eerlik wees, reeds voordat ek staan as SR-kandidaat, in die beantwoording van die vrae of ek deurentyd verantwoordbaar sal wees vir wat ek doen. Met doen bedoel ek eerstens my gewone handel en wandel en tweedens, dat ek bereid is om nou genoeg te skakel met die studente en die gemeenskap om behoeftes te identifiseer, studente te betrek en aktiwiteit te stimuleer en te koördineer.

Ek glo dat ek, sou ek verkies word as lid van die studenteraad, met die nodige krag wat ek sal ontvang as kind van God, aan hierdie vereistes wat ek aan myself stel, sal kan voldoen.



## SUNÉ BRUGMAN

Portefeulje-keuses: 1. Kultuur

2. Bemarking

Kursus: LLB III

Voorsteller: Henk du Toit (SR-voorsitter)

Sekondante: Christelle Louw (Prim: Irene), Marliza Viljoen (SR-ondervoorsitter), Christiaan Vermeulen (Prim: Helshoogte)

Justin Basson (Prim: Simonberg), Etienne van der Walt (SR-lid, TSR-voorsitter)

Ondervindingslys:

1986: Wenner: ATKB nasionale redenaarskompetisie, Leerlingraad: Hoërskool Randburg

1987: Die Matie-redaksie: sosaal-verslaggewer

1988: Die Matie-redaksie: sosaal-verslaggewer, Finalis: Prestige ENB redenaarskompetisie, Finalis: ATKB nasionale studenteredenaarskompetisie

SR-kultuurkomitee, Stellenbosch Student: SR-verslaggewer

1989: SR-kultuurkomitee, SR-Sosiuskomitee, SR-leierskapsontwikkelingskomitee, Sangfeeskomitee, US-debatsvereniging: Bestuurslid, Stellenbosch Student (SR-redakteur), Die Forum: sub-redakteur, SR-stembuskomitee, BA Regte III

1990: SR-kultuurkomitee, SR-leierskapsontwikkelingskomitee, SR-Spogkomitee, SR-Akademiese belange-komitee

Voorsitter van Sensuweek-komitee, Sekretaris: US-Debatsvereniging, Stellenbosse Stu-



dent: SR-redakteur, Afgevaardigde: SSD-kongres  
1991: SR-lid: Media en Kultuur, Voorster: US Debatvereniging, Organiseerder: Nasionale Kultuurberaad, LLB: finale jaar

**Beleidsverklaring:**  
Die studenteraad is die verteenwoordigende liggaam van die Stellenbosse studente-unie en se taak is dus primêr om na die studente-unie se belange om te sien.

'n Universiteit is eerstens daar vir 'n akademiese opvoeding, maar terselfdertyd is dit waar mens op sport, kulturele en akademiese vlak gestimuleer word. Ek sal graag deur op die studenteraad te dien, weer eens die geleentheid help skep vir elke Matie en so na studentebehoefte omsien. Ek het vanjaar in my portefeuljies juis dit probeer doen, en die resultate was onder andere die Filmfees, Fees vir die Kunste, Toneelfees, Sangfees, die koördinerende van kampuspublikasies en aanbieding van die redakteurskoling. 'n SR-lid moet meer as net die verwagte in 'n portefeulje aanbied en met addisionele projekte soos 'n Nasionale kultuurberaad, die Mozartfees, uitstapies na die Nico Malan en die uitsending van Radio Goeie Hoop op kampus, het ek juis die potensiaal van my portefeuljies probeer benut.

Om waarlik studente te dien, moet 'n SR professioneel en bevoegd wees. Hulle moet bereid wees om na studente te luister, hulle te laat lei deur studentebehoefte en hulle moet alle belangegroep kan aanhoor en ruimte voor gun. Ek sal graag dit wil doen en 'n kultuur van dialoog en die vrye wisseling van idees aanmoedig. 'n Stellenbosch met 'n atmosfeer van verdraagsaamheid waarin elke Matie sy gellenthede kan benut dus na my mening die ideaal.

Ek glo dat ek die oortuiging van my beginsels en die integriteit en standvastigheid van karakter het om Stellenbosch en elke Matie se belange voorop te stel en te alle tye tot uitbouing van Stellenbosch se aansien en elke Matie se belang iets aan te pak.



**RITZ DE LA BAT**

**Portefeulje-keuses:** 1. Verenigings, 2. Leierskapsontwikkeling  
**Kursus:** B Comm (regte) III  
**Voorsteller:** Etienne van der Walt (SR-lid 90/91, TSR-Voorster 90/91)  
**Sekondante:** Elsje Johnson (SR-lid: Sport en Intervarsity), Chris Vermeulen (Prim: Helshoogte), Ilse Hanekom (Prim: Nerina), Francois Dercksen (SR-lid: Spog), Henriette Loock (Prim: Heemstede)  
**Ondervindingslys:**  
1985: Onderhoofseun: H.J.S. Paarl, Erekleure: akademie, Sport-erekleure: swem, Kultuurerekleure: Hoofleierswag:  
**Voortrekkers**  
1986: Diensplig  
1987: Offisier in die Weermag (Instrukteur)

1988: Atlete vir Christus, Wilgenhof eerste rugbyspan, Wilgenhof Kraaie, BTK: bestuur  
1989: Atlete vir Christus, Kerkraad, Wilgenhof Kraaie, Universiteitskoor, BTK: bestuur, Wilgenhof rugby  
1989/90: Wilgenhof HK  
1990: Wilgenhof Kraaie, Gudds: Kindersorg en Kayamandi: werkerskamp, Boschenovas sanggroep, Wilgenhof rugby, Kringleier

1990/91: Wilgenhof Kraaie: leier, Two Oceans marathon, Wilgenhof rugby, Wilgenhof Prim, Voorster: Primkomitee, SR-lid: Manskoshuise  
**Beleidsverklaring:**  
Ek glo dat ek, deur my betrokkenheid by verskillende sferes van die studente-unie, genoeg ondervinding opgedoen het om die uitdagings van studenteraadsskap weer eens met vertroue te kan hanteer. Ek besef daarmee saam gaan die verantwoordelikheid om alle studente se belange te dien.

Ek sal wil sien dat die studenteraad hom in 'n baie groter mate rig tot koshuise, sonder om in te meng op die huishoudelike gebied en die primkomiiteesake. SR-portefeuljies moet die koshuisopset in ag neem en aanpas om ook koshuisstudente te akkomodeer en sodoende die studenteraad meer relevant te maak.

My strewe is, bo alles, om God te dien met die talente wat Hy aan my toevertrou het.



**DANIEL ERASMUS**

**Portefeulje-keuses:** 1. Leierskapsontwikkeling, 2. Intervarsity  
**Kursus:** B Ing (Bedryfs)  
**Voorsteller:** Delarey Mc William Smith  
**Sekondante:** Marliza Viljoen (SR-ondervoorsitter), Louis Shaer (TSR-lid), Frans van Wyk (SR-lid), Amanda Bailey (Voorster: Intervarsity 1991), Wium Albertyn (Sport)  
**Skoolaktiwiteite:** Slaag matriek in 1986 met ag vakke en 'n Agemiddelde, Wenner van Perm-Rotariërs algemene kennis vasvra: Durban-area, Wenner van drie goue en een silwer sertifikate in die 1984 Eistedfodd - met die hoogste punte ooit toegeken in 'n ATKV Eistedfodd (97 persent), Lid van die skool debatspan, Lid van die skool swemspan, Derdespan rugby Rotarië uitruilstudent:  
Gee meer as 30 toesprake gedurende die jaar, Verfilm en redigeer 'n video wat gedupliseer en versprei is aan 50 mense en na 11 lande gestuur is, Geselekteer om 'n watch-leader te word op die seilopleiding Tall Ship Leeuwen.  
**Universiteit van Stellenbosch:** Studeer elektroniese-bedryfsingenieurswese, Huis Visser eerstejaarskomitee, Voltooi eerstejaar met ses onderskeidingsvakke, Ontvang Seifsa scholarship, Intervarsity-dirigent 1988 en 1989, Lid van die Intervarsity-komitee 1988 en 1989, Lid van die karnavalkomitee 1988/1989, Lid van die inge-

nieur-studenteraad 1988/1989 en 1989/1990, Lid van Safuisraad, IAEISTE-subdirekteur, Mnr Serruria finalis 1990, Slaag Casa skipper sertifikaat.  
**Beleidsverklaring:**  
EK STAAN VIR JOU STEM VIR MY



**WILLIAM DOUGLAS FORSSMAN**

**Portefeulje-keuses:** 1. Studentebelange, 2. LSS  
**Kursus:** B Comm (regte) III  
**Voorsteller:** Anton van Metzinger (SR-lid: Studentebelange)  
**Sekondante:** Wium Albertyn, Delarey Mc William-Smith (SR-lid), Henk du Toit (SR-voorsitter), Amanda Bailey (Intervarsity-voorsitter), Glen Russell (Karnaval-exec)  
**Ondervindingslys:**  
1987: Hoofseun: St David's College, eerste span rugby, eerste span waterpolo  
1988: Eerstejaar: Simonsberg, B Comm (regte)  
1989: Simonsberg, BBC Driekamp span, Tweedejaar Latyn Beginners  
1990: Lid: Debatsvereniging, Neem deel aan JC Smuts-debatskompetisie, Abbo's Armpit Down-downs span  
1991: Lid van Debatsvereniging, Lid: SR-studentebelangekomitee, Lid: Intervarsity-komitee

**Beleidsverklaring:**  
My slagspreuk vir die SR-verkieping is "n gewone student vir 'n verantwoordelike SR". Ek staan as gewone student vir die gewone student! Ek was vir die afgelope jaar 'n lid van die SR-studentebelangekomitee en die eerste vraag wat mense my gevra het was, "Wat is die Studentebelange-komitee?" Die Studentebelange-portefeulje is daar vir die studente, dit moet die belangrikste portefeulje op die SR wees, maar in die laaste paar jare is dit as troosportefeulje gesien. Ek staan vir hierdie portefeulje, en deur hierdie portefeulje staan ek vir die student; die student wat vyf minute laat vir haar koshuis is en buite in 'n kar moet slaap; die privaatstudent wat na 'n rugby- of hokkiewedstryd rustig met sy of haar spanmaats in hul eie klub wil ontspan en nie kan nie; en die gewone student wat 'n probleem het en nie weet wat om te doen en wie om te benader nie.

I do not view experience as a collection of one's mistakes, but rather as a natural instinct for the task at hand. Anyone can come with a list of a thousand committees that he or she has served on and those who read the list will never know if the person was truly effective in his or her last position. I have held leadership positions before and I know what the portfolio of "Studentebelange" entails. I have the will and the energy to ensure that the job is done properly and that the progress in the past year and the work still to be done is unhindered by Admin's delays and is efficiently completed.



**RUDI KOEKEMOER**

**Portefeulje-keuses:** 1. Sport en Intervarsity, 2. Leierskapsontwikkeling  
**Kursus:** B.A. III  
**Voorsteller:** Elsje Johnson (SR-lid: Sport en Intervarsity)  
**Sekondante:** Francois Malan (Prim: Huis Marais), Daneel van der Walt (SR-lid 1991), Nadine Swart (HK-lid: Nerina), Fanie du Toit, AJ Uys (HK-lid: Majuba)  
**Ondervindingslys:**  
1988: Sekondêre skool Swakopmund: hoofseun, Jeug vir Christus: leier, Skaakklub: voorsitter, Skoolkoerant (Fokus): redaksielid, Suidwes-Afrika interskole atletiekkampioenskappe, Sasol atletiek, Eerstespan rugby: Weste-proewe  
1989: Maties atletiek, Kaalbas (HM-koshuiskoeant): redaksielid, Koshuisrugby, -muurbal, -skaak, -tafeltennis, Dien op verskeie koshuiskomitees (eerstejaars)  
1990: Maties atletiek, Tweedejaars karnavalkomitee (Huis Marais), Kringleier, Redaksielid: Kaalbas, Eerste-en tweede span Rugby, skaak, muurbal, tafeltennis  
1991: Huiskomitee van Huis Marais (sport), SR-sportkomitee, Kringleier, Eerstespan rugby en atletiek vir Huis Marais, Stellenbosch Indaba subkomitee vir gemeenskapsbetrokkenheid

**Beleidsverklaring:**  
Ek staan vir prestasie en vooruitgang wat voortvloei uit 'n positiewe ingesteldheid teenoor die komplekse komponente van studentwees. Prestasie op akademiese, sport-, kulturele en sosiale gebied staan onlosmaaklik verbind aan vooruitgang in 'n dinamiese samelewing.

Die SR is, myns insiens, daarvoor verantwoordelik om dmv objektiewe ingesteldheid standpunt in te neem sodat lewensruimte van studente bevoordeel word. Standpuntinnamen, kommunikasiebewerkingstelliging, ambassadeurskap en voorbeeldstelling vir die universiteit is van wesenslike belang om vooruitgang van die Maties se lewensruimte te verseker.

Uit beginsel sal ek my nie skuldig maak daaraan om beloftes te maak wat ek nie kan verwesenlik nie. Ek glo egter in die krag van studente-eenheid, die sukses in volharding en die vreugde in Christus; daarom sal ek my beywer om bogenoemde tot die beste van my vermoë na te volg.

Ek stel my volle potensiaal tot beskikking van mede-Maties, die universiteit en my Hemeelse Vader om die Studente-unie te dien.

**CARO KRIEL**

**Portefeulje-keuses:** 1. Media, 2. Bemaking  
**Kursus:** BA III  
**Voorsteller:** Marliza Viljoen

**Sekondante:** Johan van der Merwe (KJA-voorsitter), André Gaum, Anton van Metzinger, André van der Spuy, Sune Brugman (SR-lid: Media, Kultuur)

**Ondervindingslys:** 1988: Hoofseun: Tygerberg Hoërskool, Uitgenooi na die Burger Jeugleierskonferensie

1989/90: Wenner van die Eerstejaars Redenaarskompetisie, Verteenwoordig die US by die redenaarskompetisie te Universiteit van Pretoria, Subredakteur aktueel: Die Matie Kultuurprys van Nerina, Lid van US-Debatsbestuur

1990/91: Derdejaar BA-student, Wenner van die J.C. Smuts-debatskompetisie, Redakteur aktueel: Die Matie, Kultuurprys van Nerina  
**Beleidsverklaring:** Ek beskou die Studenteraad as 'n struktuur daargestel deur die studente, vir die studente.



Die enigste manier waarop die SR enige waarde vir Matie sal hê, is indien daar voortdurend na studente se belang omgesien word. Dit behoort 'n belangrike maatstaf vir watter taak ookal aangepak word, te wees.

Dit is onmoontlik om te alle tye almal tevrede te stel. Dit is ook geensins wat ek onderneem om te doen nie. Maar wat nodig is, is relevante ondervinding en die bereidwilligheid om iets te doen.

Ek is oortuig daarvan dat eoor die regte ondervinding beskikbaar om daardie portefeulje waarvoor ek my beskikbaar stel, goed te kan hanteer.



**JAPIE LOUW**

**Portefeulje-keuses:** 1. Media, Bemaking  
**Kursus:** LLB  
**Voorsteller:** Daneel van der Walt  
**Sekondante:** Ilse Hanekom (Prim), Chris Vermeulen (Prim: Helshoogte), Gerrit van Vuuren (Onder-voorsitter S 1990), Michaela de Wet (Prim H.T.B.), Tertius van der Bei (Scas kampus-voorsitter)  
**Ondervindingslys:**  
1987: Matriek Hoërskool Vreheid: leerlingraad, ACSV-voorsitter, KJA-voorsitter, Hal eindreunde van Rapportrye



# SR-VERKIESING

## 27 Augustus 1991

### SIRKUSSE

#### EERSTE SIRKUS

Maandag, 19 Augustus 1991

13:00

Gaatjie, Biblioteek\*

#### TWEEDE SIRKUS

Woensdag, 21 Augustus 1991

13:00

Tygerberg Kampus

#### DERDE SIRKUS

Donderdag, 22 Augustus 1991

13:00

Gaatjie, Biblioteek\*

#### LAASTE SIRKUS

Maandag, 26 Augustus 1991

19:00

Die Gat, Neelsie

*\*Mits die weer dit toelaat*